

蘊  
悒  
閣  
詩  
集

蘊素閣詩集卷第八

鎮洋 盛大士 子履

丙子

春日寓吳門將隨慕循陔觀察

整

爲嶺南之遊尋

以道遠不果悵然成詩

豈不戀鄉國家居增百憂壯懷消未得遠道又生愁嶺外  
六千里江干一葉舟春吹香雪海昨夜夢羅浮

春雷乍發明晨寒甚對雪卽事

白袷嬉春早紅氍撥火忙人情分旦暮天意合炎涼凍雀  
寒爭樹疎花瘦倚牆雷車昨夜響猶似在山陽

耶芝田齋中題其所畫山水兼觀其畫墨竹

骨清兼氣清神古異貌古時習日浮靡賴子闢門戶瓣香  
倪黃師正派董巨祖春園秀蘭茗秋沚老芳杜滄海紅霞  
飛青山白雲補雁橫荒江寒烏嘯涼月苦大觀造化變萬  
象一手吐蟠鱗老龍縮矯翼瘦鶴舞迢然顧我笑餘勇復  
可賈亂揮竹數竿夢落瀟湘雨

王叔畦孝廉招同郎正叔丈集學圃卽事

學圃玉山麓人稱小輞川古懷今雨共詩意畫圖傳簷樹  
棲禽穩園蔬餉客便藕花風動處香拂釣篷邊

釣篷圖  
中齋名

送瑛兒赴省試

青山江岫澹煙濤送爾輕帆漾夕陰朋輩賢愚休逞口客  
途冷暖要關心可於暇日尋遺蹟應有新篇補舊吟自量

文章知得失向人何必問升沉

閏六月晦扁舟入浙七夕歸里復自吳門往嘉禾  
尋又繞道吳興再遊武林旬日之間遍歷浙西三  
郡途中卽事率爾成詩

消磨歲月朝兼暮飄泊江湖去復還十日醉傾吳下酒此  
行飽看浙西山秋生遠樹澗聲落天入破篷雲氣環姓氏  
漫勞津吏問髣髴毛頭改舊時顏

含山

秀列岡巒勢秋涵松竹林嶺雲餘道氣山鳥得禪心月吐  
水中鏡泉流石上琴停舟前路問更轉一峯深

碧浪湖夜泛

淡渚迴汀宿白鷗蘋花風起浪花浮夕陽紅入千峯樹斷  
塔青分兩岫樓野樵歌聲喧隔淑漁竿燈影落平流春來  
草色連天碧幽賞偏宜水國秋

吳山晚眺

深林遠近噪歸鴉鱗瓦參差夕照斜雲氣過江全帶濕煙  
光浮郭半成霞幽篁自落空巖翠金粟還霏上界花目極  
秋濤拍天際乘風有客泛星槎

同劉茂才

承家

小飲瑞石洞

竚窾闢靈境清虛空俗氛一尊銜落日萬笏擁歸雲爾春  
煙光合牆陰磴道分藤蘿鼓翠裏山鳥亦呼羣

秋草四首

西風吹老碧梧枝  
河畔青非舊日姿  
野色不堪殘霧裏  
秋心况值夕陽時  
邊城古驛行蹤少  
旅館新寒客夢遲  
憶得池塘水清淺  
幾回吟瘦謝公詩

蒼莽郊原落葉辰  
短榆衰柳並愁人  
明妃塞北傷心淚  
庾信江南老病身  
鴻爪泥留溪影薄  
馬蹄霜入燒痕新  
孤燈夜雨他鄉客  
檢點青袍一愴神

擬攀蘅杜贈靈修  
落日平蕪滿眼愁  
已恨江淹會賦別  
况逢王粲又登樓  
長門瑤瑟停清弄  
故苑銀箏憶樂遊  
贏得美人遲暮感  
楚天哀思寄汀洲

去國王孫遠道邊  
天涯回首獨凄然  
舊時紫陌歌金縷  
前度青驄控玉鞭  
倦蝶翅低猶剩粉  
暗螢影細不成煙  
莫因

晚序悲搖落冷碧浮螺異俗妍

雨中望湖上諸山

煙靄冥濛遠近中湖山如畫畫難工浮青淺自深中出潑  
墨濃先澹處烘水檻乍飛千澗瀑酒盞不定一帘風登臨  
有約開新霽攜得吟筒與釣筒

秋雨新霽出清波門望南屏山色

城頭初日透紅暉漱玉琤琮聒耳聞山與湖爭秋一片樹  
從雲借碧三分煙霞我輩真成癖猿鳥何時共結羣短袷  
綿輕寒意重一壺村酒未成醺

由南屏山下西北行數里入三天竺

探幽不惜路紆回僻處重逢異境開陰壑濤聲吼風雨上

方花氣逼樓臺每經古刹穿巖入別有疎鐘隔院來直北  
稽留峰頂望珠林香閣淨無埃

登天竺寺樓覽白雲中印乳竇獅子諸峯

名山竺國秀峻嶒直上煙鬟第一層泉竇拂雲飛白練雪  
龕落日澹紅鐙野猿似嘯風前竹病鶴還眠石上藤此地  
皈心依淨域便疑身是住山僧

宿海寧陳氏安瀾園夜集煙波風月亭呈觀察夫  
子二十韻

御蹕巡遊地名園海滋傳雲山新畫本花月舊平泉舞鶴  
金題拱蟠龍

睿藻懸激潭環秀折香艸蔚叢駢元老曾休沐詞人此憩



頓垣塘延累葉景物溯當年紅燭笙歌院青山翰墨筵庚  
樓明月夜謝墅翠微巔疊浪魚鱗細迴波鷺羽鮮柳栽彭  
澤里客憶杜陵田偶侍輶軒莅趨陪絳帳前往還借勝侶  
信宿得良緣舒嘯秋之夕凌虛渺若仙層城圍十二大界  
豁三千沙鳥風帆外蓬瀛閬苑邊迷離炫銀海咫尺現壺  
天水檻挑鐙坐藜床枕石眠晶簾鉤送響綺閣幌藏煙笛  
韻來何處詩情寄渺然似隨鸞馭近清夢落星躔

登火山望海

天門激浪入青冥一柱高懸勢建瓴日脚虹光吞雁跡峰  
尖蜃氣走龍腥嵯峨石塹排雙闕擁護方輿仗百靈沿海  
築塘歌

帝力東南列郡樂激滄

曉渡錢塘江入蕭山界泊舟臨浦訪何孝廉 枚

林表透晨曦扁舟下石磯不知溪岨路遙指酒家旗天遠  
碧如洗江空山欲飛素心堪晤語爲叩白雲扉

臨浦夜發明晨抵諸暨縣南關外登岨肩輿入山  
暮達宣何嶺

篷牕落星河光露月鈎缺輕裝一葦杭百里去如瞥晨指  
暨陽城衆山秀羅列急覓籃輿行無愁屐齒折窮追溪之  
源深入雲之穴前岡屬俊嶺近晤倏遠別煙浪烘赭霞密  
聚萬花纈一罅竅而深百衲綻欲裂枯藤潛蚪蟠腐蘚餓  
鼠齧深山寂萬慮盛暑不知熱况延秋籟爽屣顏削高潔

徑仄平亦頗石峭凹仍凸嶺樹青接天半被白雲截撥雲  
下巖梯幽境詫奇絕

自宣何嶺而南入金華義烏縣界過義門至楂林  
市萬山紅樹如入畫圖

一峯高插霄萬笏恣鬪險陂亭老松卧磴道叢竹掩欽峯  
古綢巖石齒簇千點飛泉義門橋衆壑聚激激人語喧楂  
林厓背列屋丁秋意澹更濃到處霜華染丹青李將軍毋  
乃虛名忝行行翠微近隱隱青帘颭山果雜橡栗甘苦任  
客檢濁醪一大斗壯遊吾何懶

過義渡亭入東陽界望東西兩崑峰暨摘星尖勒  
馬峰諸勝

振策山之陽古亭問義渡上有千株松鱗鬚突而怒下有  
百丈潭僕夫窘其步中藏太古雪外翳匝月霧前程詣東  
陽廬舍審指顧長垣霞光蒸斷塔暝色赴對峙兩崑嶺觚  
稜峭盤互雁跡撩客愁虎氣逼人怖股慄足不前樵叟導  
前路仍防衆魑迷乞仗山靈護豁然徑竇開峯確萬峰露  
歷險始履坦了然夢初寤

石甌山下尋鮑令巖入白雲洞

甌山亘峴西古巖誌鮑令霞城三十丈日華四壁映白雲  
棲其隅邃壑洞如鏡天漿衆溜寒玉女一盆淨林柯灑丹  
砂煙鬟絢明靚苦篠吸露甘柔荑借風勁投林鳥呼羣迴  
翔適其性絕憐行役者風塵憊且病何當築一廛誅茹晦

名姓幽事悅俯仰永息萬物競

進東陽瞻婺門憩法界寺

城隅四面山夕氣西更爽通衢列闔闐百步紺宇徹錫名  
宋乾符福地愜幽賞洪鐘鏗萬鈞發吼走罔兩銘字暈朱  
碧點畫畧可做客從萬山中來就煙花養翠屏拱而立綠  
雲引而上露重苔沐髮風惡蕉覆掌何圖塵肆間異境隔  
塵壤空潭印初月此中發真想

東陽道中雜詠

義門南去路灣環兩峴峰尖翠可攀不辨泉聲與松籟風  
吹仙珮落人間

縹緲樓臺遠近中石梯層級跨飛虹夕陽已瞰西山背猶

照東山一角紅

甌陽雲洞石空嵌古碣會題太傅巖日暮松梢晴忽雨倒  
飛泉溜濕青衫

隱隱軒韶奏洞庭澗溪鏘玉靜堪聽風流坡老今誰繼莫  
漫題詩水樂亭

勒馬峰邊石筍廊舊時羅隱讀書堂招魂倘許離騷續薛  
荔牆荒艸尚香

喬家別業孔山巔廢址難尋舊日園路轉溪灣最深處五  
更落月有啼猿

烏柏霜紅冷艷新雙溪秋水綠于春柴扉野老扶筇立絕  
似癡翁畫裏人

村戶家家射鹿麋  
兒童竹杖競相持  
忽聞人語出林際  
獵得一雙玉面狸

笙竹村連紫竹村  
萬叢寒碧繞柴門  
爲澆酒渴停車坐  
漸見山腰霧色昏

層峰窈窕白雲隈  
圖畫天然四面開  
莫笑閒蹤如野鶴  
此行特爲看山來

東東陽明府程朗岑同年

璋

吏隱蕭閒早放衙  
深山隱市靜無譁  
琴堂松竹淵明宅  
花縣蓮蒿仲蔚家  
野老多情獻春酒  
故人有夢話秋葭  
盤殮留客平原醉  
自剪園菘雨後芽

同程少尹

瀚

出郊尋山至盧宅  
邨暮進東城遊新

安寺

山城出雲壓山阜雲狀如山負山走山中人從雲腳行萬  
朶青蓮落吾手亂踏犖确足重繭剪蔓攀藤搗其藪前山  
後山屹聳肩十步九步屐回首陂青深處砥道坦濩刈稌  
黍積隴畝盧氏村民聚族居亦服爾耕十千耦懷莘東麓  
名臣祠喬木先朝子孫守我思古人百年後空滴重泉一  
杯酒放眼且看青山青塵海浮雲渺何有精藍禪話證前  
因落日平林變昏黝空山獨往亦快意何況更得看山友  
三生舊締石交深一寸新積詩篇厚

玉笥方塘歌弔故明尚書張公國維

方塘流水鳴潺潺子規啼月愁空山孤臣願爲袁粲死血



濺方塘塘上水朝辭天台行暮宿方塘口長星隕地大如  
斗玉筍高歌詩數首河山破碎朝廷小半壁東南嘆誰保  
舟中天子海上國公閩東頒詔來越東逐鹿乃在蕭牆中  
君不見燭火螢光細如線燼後寒灰勢難煽徵兵助餉徒  
勞勞議守不足遑議戰斷頭恥作降將軍汗青照得丹心  
見桃巖峰暮色殷勒馬峰苔花斑忠魂一去不復還至今  
子規啼月愁空山惟聞方塘之水流潺潺

東白山少霞洞

絕壁凌青靄千層路屈盤風聲走羣木山氣逼新寒金粟  
丹霞室琪花白玉壇當年鹿皮子寤宿碩人寬

龍井崗

掛鐘巖畔石四面白雲封有樹必巢鶴非松亦化龍琅玕  
削叢篠琴筑激飛淙邃室藏經處真靈此駐蹤

孔山

繞屋碧雲合環城紫氣涵重岡亘西北積石鎮東南雁落  
溪中峽虹收霽後嵐喬國蘿蔓艸秋月冷枯潭

上方院

琳宮舍利放圓光梵磬聲聲徹上方絕頂雲容迴紫靄九  
秋山氣入青蒼松根蘚滑時流液貝葉花深不礙霜小築  
庵西亭一角煮茶吸得井泉香

東陽署齋論畫歌東韓起潮

客從東陽山上遊畫成山齋九月天風秋客從東陽溪上

宿畫作溪流百折紆而曲歷觀古時名畫手腕下煙雲筆  
端走不求範水與模山根柢盤深氣醇厚太空有色購羣  
象元氣返虛涵萬有韓君吳會負才名花卉南田妙寫生  
近愛溪山好邱壑欲以畫筆傳詩情東陽邂逅懽會暢高  
談四座爲之驚緬昔畫家別支派宋元南北分疆界

國初諸老歸南宗吾州健者廉州翁繼以煙容傳司農海  
峒石谷子意匠開神通西亭老人近甜熟效顰豈肖西施  
工後來作者襲其似餘子紛紛何足齒那知耕煙之派本  
自婁東傳染香庵中日坐嘯浸灌古液搜真筌風骨乃化  
爲神僊比聞浙中畫標格追前賢鐵生粉本漸零落太常  
絳帳猶高懸

奚鐵生岡已歸道山馬秋  
藥太常近主敷文講席

其餘後先各繼美

藝苑聲華爭鵲起，昨宵醉月吳寧臺。霜林艷奪山花開，畫  
工有筆不能繪，但見浮嵐涵碧空。中來韓君倩我惡脫藁，  
醉後揮毫太艸艸。萬事浮雲類畫圖，登臨此際開懷抱。君  
不見吳門有客來東陽，畫水畫山日日忙。不知鴻爪他鄉  
滯，畫筆同誰論短長。

九日登吳寧臺

萬壑鬱青蒼，迢遙接大荒。鄉關一千里，風雨又重陽。高會  
故人共酒尊，情話長東西。雙峴嶺篁翠，襲衣涼。

自東陽往金華郡城留別程明府兼柬諸同人

衰柳不堪折，黃花空復妍。晚風沉笛響，離思繞琴絃。路覓  
雙溪渡，詩吟八詠篇。愁看餽山月，清影照嬋娟。

登金華山芙蓉峰絕頂

浙東名勝甲天下江山清峭推金華浮螺四壁列屏幙峯  
巔突露青嶮呀赤松智者二洞水蜿蜒赴壑縈修蛇北行  
緣澗闢異境怪石疊竦環闔如搏如鬪如拱揖左提右  
抱紛騰拏奔濤萬馬不得渡其中橫石爲浮槎虹梁瀉溜  
一千丈倒吸雨氣浮青霞半天霞飛半嵐雨噴涌雪練茫  
無涯中峯一綫繚虛白玉繩不動銀河斜滿山瑤艸散狼  
藉化作萬朶青蓮花天台飛出華頂月秋風香飯炊胡麻  
素女明粧列窈窕曲房羅帳峯紅紗我身甫入碧雲際我  
夢已落仙人家試尋山樵結廬處霜林秋老啼昏鴉陂陀  
劃開巨靈掌雙龍穿竇廻平沙長松颺颺撼絕壑山南山

北陰雲遮

赤松山放歌

曉發金華城直上北山頂北山高嵯峨萬象豁虛迴螺鬢  
娟娟雨新沐搖蕩空青入遠目叢篁宿霧烘日光爛若丹  
房挂紫玉赤鱗老松走攫拏吞吐百丈天台霞碧桃萬片  
大于掌香塵撲地輕于紗金光瑤艸遠在縹緲際唯見修  
藤古蔓紛其掩冉而鬚髯菊經秋而披秀蘭當春而吐芽  
感艸木之榮落惜人間之歲華綏山有桃鍾山有李仙人  
之容綽約處子當年山中牧兒真不死亂石何爲叱不起  
雲中鷄犬皆昇仙羣羊僵卧絕可憐鴻迴翔乎千里鳳續  
紛乎九天羌延佇兮四顧杳瑤臺之翩翩人生行樂須及

早唯有青山長不老赤松山中雲去來赤松山下石崔巍  
浩歌不見赤松子携酒獨酌流霞杯願爲山中雲毋爲山  
下石雲歸收氣遊太虛石泐飛沙慘寒月

登元暢樓

卽八詠樓梁太守沈約題詩處

飛蕩勢歷翠鬢歆高阜巢雲結構奇羽士慣騎千歲鶴山  
靈自愛六朝詩南來嵐氣開丹嶂西去溪流漾綠湄旅客  
愁腸最淒絕霜天聞得角聲吹

金華道中打虎歌

猿臂將軍挾飛鏃左射豺狼右麋鹿有虎來從武義山窟  
入金華踞西麓村人逐虎持杖走倏忽數人落虎口餘者  
垂斃慘呼痛或傷其股或斷肘吏胥奔命報將軍將軍躍

馬城上闌城頭  
鼙擊金鼓帳下材官猛於虎  
礮聲雷轟  
焰蔽天虎與烈焰相周旋  
以火攻虎虎不窘  
虎笑將軍力  
已盡將軍曰吁  
虎何愚燎原一炬  
苑者枯虎從何處藏其  
軀一箭射虎虎傷脛帶箭  
虎來索人命袖中抽出殺  
虎刀  
迎刀虎氣何咆哮  
白光一道淬霜鏑  
虎背刀飛虎頭落  
獵戶喧呼昇虎  
蹄觀者猶懾死  
虎威鬣毛半黃  
腹大赤斑爛  
閃電流光輝  
華鎧高張酒浮  
綠徧召裨官  
啖虎肉醉卧  
金華城上頭  
猶聞虎嘯風  
颼颼醒來  
月上東山  
陬沒鏃飲羽  
石虎愁男兒  
如此亦快意  
何用萬里求  
封侯

金華旅夜

溪閣燈殘酒半醺  
簾波風動細生紋  
客心已落蘭江水  
猶



夢梅花洞裏雲

蘭溪舟中偶成

溪岼山雲接水雲鷺鷥沙際自成羣越船夜傍前溪宿水

綠蘋花帶麝薰

壓髻花枝照水鮮船家嫂妹喚同年

江山船坐客呼舟人妻曰同年嫂妹曰同

年紅鐙勸客深宵醉桐子山頭月正圓

嚴州道中

雲中高搶鎮東關郭外林巒擁髻髮五兩風吹舟一葉落  
霞飛過富春山

舟進七里瀧過嚴子陵釣臺醉中作歌

生不得見天下奇山水使我胸中鬱塞磊落之氣無由開

今日扁舟逸興獨清發仰視江天一碧秋光萬頃空中來  
山不必褒斜閣道高插霄水不必龍湫億丈深無底嚴陵  
之瀨祇七里幽峭清激有如此兩崖對抱雙玉龍溪門一  
綫浮空濛峰尖倒從澗底惹水氣上與青天通疎林紅日  
掃煙霧輕帆飽挂山頭風山蒼莽以結翠風飄颻而延涼  
白露初降落葉半黃把酒獨酌慨當以慷羊裘客釣半江  
雨此地青山足千古一星自照荒臺寒萬壑雲深不知處  
雲羃羃兮石峩峩若有人兮山之阿恍惚兮延眺心悵惘  
而咨嗟金觴醕兮朱顏酡吟綠雲兮餐紫霞江天吹水入  
空去更欲揚帆采石華

嚴陵釣臺弔宋參軍謝皋羽

擊碎竹如意，巫咸下九閭。  
青楓落寒月，朱鳥泣孤魂。  
燐火清秋夜，江山碧血痕。  
墓門無雜樹，薇蕨首陽存。

韓蘄王將臺

臨安鼙鼓陣雲開，大將黃天蕩口來。  
百戰中原爭半壁，一江落日照孤臺。  
清秋碧草埋荒鏃，終古青山老異才。  
獨對塞驢湖上月，英雄髀肉不勝哀。

一櫂

一櫂嚴陵瀨，輕風送客歸。  
溪門飛月鏡，石脚碎雲衣。  
斷峽灘聲惡，空山樹影稀。  
幽人棲隱處，薄霧卷林扉。

桐廬月夜

百道泉聲沸一江，秋影長桐君。  
渺何在，松子自生香樵路。

沿溪覓漁梁，隔岼望清輝。  
千里映寒碧，落飛艫。

富陽

越角吳根地，帆檣遠近通。  
客心飛鳥外，秋意亂山中。  
碧浸江關月，寒生塔頂風。  
篷牕清夢醒，手剔燭花紅。

舟過富春江至錢塘

柔艣聲中唱竹枝，富春江水漾澄漪。  
自呼明月持杯勸，未免青山笑客癡。  
荻浦花疎鄉思起，蘋洲霜冷夢魂知。  
浪遊太息無長策，載得扁舟一卷詩。

江行口占

六和塔下尋詩去，七里瀧邊放櫂還。  
明月錢塘江上水，清光長照富春山。

閒雲心跡水鷗知客館吳寧夜闕詩紅雪門前烏柏樹醉

吟羨殺呂徽之

謂陽湖呂君榮慶館于東陽官署

帘鐙何處酒家扉水國霜寒稻蟹肥擬泛西湖補重九蘭溪新買菊花歸

### 金鼓洞訪巢雲道人

伐石曾聞金鼓鳴燒丹羽士學長生焚香一室古懽暢落葉半山道氣清幽洞僊禽時喚侶亂厓奇樹不知名瓊箱飽讀羣真牒更羨琳編手輯成

道人近輯金鼓洞志八卷

### 登韜光寺煉丹臺觀海借璵兒聯句限九屑韻

婆留築精廬

子履

高厓界危岳廣嚴額翥霞

璵

仄磴壁剡雪

懸題肖峒岷

履

巢溝枕屹嶮客攜雙鳧青

璵

眼眩萬花纈

叢條灑頰砂

履

虬幹撐古鐵篋或篋斲橫

璣

蒼苔蝸蝓齧

初桃引而升

履

半扉設常閉敲竹喧吠龙

璣

捫碑跨跋鼈

凍熬佛面頤

履

病齷僧齒缺筦埽經幡塵

璣

泉沁甃井漑

呪蓮蓮湧金

履

餽魚魚出穴其旁有石龍

璣

噓氣吸瓊蛭

崇臺轟千仞

履

疊巘紆百折僊去丹竈摧

璣

鶴守洞門鑄

天風忽吹雲

履

海壖倏騰蜺望蜃市蛟宮

璣

架彤梁紫椽

冰夷鼓砰礧

履

鮫童舞蹙躡旒旒旒旒

璣

筴簪筠節簞

殞絃幻百怪

履

形勝控兩浙茲峯靈鷲近

璣

上界塵堞絕

撼撼枯籟隕

履

娑娑寒翠擷拄杖憩松寮

璣

促席觀竹篔

床供管生坐

履

茗恣盧仝啜喜叩無量音

璣

巧運廣長舌

聖火虛簷微

履

羲晷遠崦跌嶠北暢斯遊

璣

和南此焉別

須避渴虎威

履

惡拽瘡馬糞林駢衆鴉噪

與

梯斲一奚跌

湖隄艤舫

履

霜颺冒颯颯夜歸翦蟲蠟

與

詩夢亘岷嶽

履

食蝗聯句

嘉味江鄉擅登銅配蛤蜊水田資土液

子履

冰殼蛻晶瑛磨

銚埋三寸封泥滄一函肥時膏入簍

徵與

採處不揚帆脂誤

魚腸刮津分鴨嘴鵲酪羹調甫熟

履

腰鼓聽初摻指動沾

沾喜涎流滴滴饒孕胎全混沌

與

剖腹露空嵌滲積教頻

潑腥多恰愛鹹畧宜薑屑灑

履

詎費粟薪杓醴傾微醺

含漿洗古槭咀噤唇帶膩

與

拈搗口遲銜滑恐難留筋痕

防易浣衫盛盤憐馥薄

履

對案話詰誦潔待鬻催漑貪思

鼎戒讒性寒能療渴璵齒尖莫寬監賦物言徵典搜枯語

笑僂馬刀工比象履鰕菜並超凡問價廉爭買攜筐餉密

緘跋龜翻舊譜璵小技愧雕鑿履

楊教授蘋香同年于高招集杭州學署觀南宋光

堯石經歸同璵兒分體賦詩東蘋香兼寄范學博

懋裕

校書不登天祿閣弁陋難免經生嘲墜簡殘編蝕蟬蝨腐  
儒臆見爭喧楊侯便便孝先腹卓識力剖羣言淆范叔  
才高邁屈宋廣文一官同繫匏元亭坐擁城萬堞問字有  
客蓬扉敲天門羽翼閃華電凡鳥不敢窺其巢我來夢遊  
羣玉府旃旄眼眩翠鳳苞招觀光堯石刻兩廡巒序撐



高嶒霜藤蟠青匿鼯鼠雨網罨綠牽蠨蛸蠖蟪蠕蠕動猱攫  
走蟲肩伏聽蒲牢哮細剡封苔剔積蘚毋使過眼嗤虛拋  
當年臨安支半壁坎險震難屯蒙交中興堂構議憲典絲  
蕞艸昧營檜櫟乍試師干輒偃武厭聽鼓鐸喧鉦鏡帝曰  
汝澂奉朕旨經腴饜羅珍肴詔勒琳珉餉藝苑蓬心朕  
欲開其茅諸生誦肄守程課不率教者移之郊遂開辟雍  
蔚髦俊奪漢儒席平謹譎六經孔孟燭星斗列聖統緒乾  
坤包麟編育左史筆重禮解小戴博士教從此圖橋式經  
訓多士願筮連茹爰惜侈太平作粉飾義旗河洛韜弓稍  
江心寒嘲咽桴鼓陣雲冷鑠蛾眉姣不聞留侯訪黃石但  
見亞父歸居鄴北兵天塹竟飛渡九泥何處封秦嶠勒石

燕然事虛杳南風不競休登輶有人太學具章奏叩頭慟  
哭趨螭坳轉笑書生妄持議敗乃公事迂而膠倉皇航海  
晁危石六龍波撼鼉鼉蛟覆舟祇柱歷浩劫萬卷電激遭  
風颺江陵文武道消歇巖關鐵騎揚飛髑禿支僕谷相輪  
動戰袍血濺紅旂旃汴梁銅駝萎荆棘滿朝肉食盡斗筲  
滄海桑田變陵谷陳迹夢幻水散泡西番妖僧大肆毒鑿  
山鏟石殊魚然冬青花哭唐義土荒陵石馬嘶陰飈冤海  
難填精衛石宮衣慘碧珠流鮫殘碣倒仆雜瓦礫築削恣  
意施斤鉋申屠苦口得救挽偉論千古傳警警爾來七百  
幾十載神鬼呵護完礪礪諸崑岡炎火熾不與玉石同  
焚炮建立書院度書庫收拾碎壁磨砂顛排廊碑片八十

六拂拭字跡苔紋籟遠證鴻都近陝蜀讎勘點畫齊傳鈔  
當今文士競嗜古倚掇墳籍相誇設洪氏隸釋趙氏錄修  
便遠汲舉長笈炫奇爬羅傲李涿辨難往復窮尸佼一字  
三字審同異迫窘詰屈儒林課嘉祐舊柔湖南仲斷磚埋  
沒心增恹靈光巋然獨存此何異球石珍艷鄙春芹香濃  
藻水綠飛鴉集木音咬咬釋莫春官敦羽箭翩其來舞舉  
紅袖花外朱輪倚藤壁輕颺煙柳籠鞭鞘搦摹萬本貯經  
筒銀籤繡軸穿蘭髻楊侯飽浸古液厚金炊玉饌傾天庖  
釣璫廣樂洗俗耳剽棧夏籟調笙篳武林聯襍縱譚劇憐  
我耕硯田多磽蔚宗石交締岑契鷄鳴風雨聲嗶嗶羨君  
高享吏隱樂快酌婪尾浮大臍提槩邀客古懽暢醉看弓

月升林梢

盤溪歸釣圖歌爲凌樞部

鳴階作有引

樞部字覺甫一字泊齋湖州烏程人嘉慶壬戌進士與余同膺庚申鄉薦居官有政聲會上疏極陳馬政之弊請旨清理列具規條

天子重其言

特諭酌議施行後因病歸里杜門著述其家在吳興盤溪之晟舍疏泉通澗結宇依巖極幽棲之勝丙子仲冬相晤於杭州學署之石經屋贈余以所訂太白山人集練溪詩文集并出歸釣圖索題長歌時先生匆匆解維卽席話別爲賦此詩以餞其行

金門大隱青雲客，胸貯賈生董生策。解綬歸來理釣竿，紅  
拂珊瑚樹，千尺盤溪之水清。且幽田田蓮葉波，心浮杜陵  
艸堂澆花里。舍南舍北來羣鷗，許身自比稷與契。豈爲蓴  
鱸卧泉石，補袞平生一片心。付與青山照明月，盤溪溪口  
漁家船。一簣秋雨一笠煙，盤溪溪畔漁家屋。蘓軸有人寤  
歌宿道場，山色連何山。山扉突露青灣環，碧雲迢迢天際  
望。夢迴青瑣趨朝班，吹簫樓上山人去。挂瓢堂外斜陽樹，  
多少漁磯垂釣人。孤負湖山最佳處，先生身寄江湖中。抱  
此磊落魁奇胸，醉後高歌出金石。夜半鎗火光猶紅，扁舟  
一葉盤溪水。人道仙人郭與李，田園未蕪歸去來。黃花競  
向霜前開，送君歸盤溪。溪水涵平蕪，詩從盤溪尋酒向盤

溪沽披君盤溪歸釣之畫圖羨君真是神仙徒世上乃有此等神仙徒我願浮家泛宅與君持竿日日長相俱

萬峯山房贈小顛上人

每恨見公遲才名我舊知澆胸百壺酒埋骨一龕詩

顛師不受

朱泚戒終日酬飲狂歌所著有法喜集

蔬筍空禪習煙霞入遠思醉吟碧山

暮清韻落松枝

湖州趙季由太守署中晤張椒卿時余將之京師

去年別君虞山麓幽鳥一聲動春綠今年逢君茗水濱昏鴉萬樹啼寒雲孤燈夜雨扁舟客楓岫蘆汀氣蕭瑟那堪會面訴離愁况復相逢又相別明年花發長安路明日江干從此去今宵置酒愛山臺太守醉賞梅花開問君匣中

藏古劍何時鐵冶重磨鍊龍泉顏色吐霜花會見精芒閃  
飛電燕臺嘯月立蒼茫飛夢吳山越水旁落英紅飄碧雲  
暮願君隨時愛景光

十二月十九日汪厚夫侍御耐山司馬招同楊叔

溫畢季瑜彭甘亭徐秋士孝廉

元潤

集趣園作東

坡生日分得七言古體一首

坡仙謫官渡南海紹聖越今七百載嶺外留傳丙子詩青  
山無恙風流在僧臘逢公覽揆辰心香一炷詩情待頻年  
笠屐湖山遊尋公遺蹟常勾留參寥試泉識智果水樂題  
詩憶子由今年歲又逢丙子半載看山一千里夢中恍聽  
公談詩飛雨浙東半江水江梅花發客歸來趣園高會賓

筵開華堂張鐙將進酒紅荔黃柑爲公侑一杯芟尾江南  
春祝公永享名山壽千秋古誼結古懽曠世詩仙締詩友  
憶昨征帆過茗嘗愛山六客今得九一門再見眉山風會  
合賓朋無俗偶年年每遇公生日祇願同儕聚同室年年  
願值公生辰引我詩境開新酒盡深宵剪紅燭尊前重  
把坡詩讀

白題煙濤雲嶠圖

寂寞謝塵事經旬畫掩關忽披胸鬱塞縱筆寫溪山煙靄  
迷青嶂雲容壓翠鬟石坡松鬣動有客採芝還

子履孝廉以所作畫卷屬題爲書二截句於後

彭兆蓀



香溪洗筆寫嵐顏人在宗支伯仲間十丈軟紅蕪不

得袖中詩本畫中山

時將  
北上

平生夢繞玉屏顏那得巢雲屋數間曾證永嘉公案  
否不妨見道并忘山

蘊縈閣詩集卷第九

鎮洋 盛大士 子履

丁丑

途中次徐秋士孝廉韻

谷口人語雜馬頭詩思新  
掃塵微作雨吹綠自生春  
艸樹浮嵐合雲山望氣醇  
宿林鳥呼伴天際憫勞人

夜過鄒縣車中聯句

暝色入邨煙衆山斂虛碧

徐元潤

峻坂馳羸驂犖角蹋危石

大僕夫行不前一步復一蹙

元潤

野霧眯塵晦馬行沒無跡

大祇餘衰艸痕路閃一條白

元潤

飢鴟如人噪怪石聳鬼立

大墓門翳宿莽漆鐙半明滅

元潤

怒鱗何代松敗甍誰家宅

大 平生好奇偉談怪口咄咄元川涂飽風霜聞見戒局迫

大 膽雄三斗酒筆屈一寸鐵元壯士喜夜行仗劍噴徹循

大 投筆志未成忽爲遠行客元素衣江面繡座面槁不澤

大 天涯此兩人落拓共晨夕元同歷險如夷遑問通與塞

大 乾坤有真氣俛仰慨所適元請取北斗光耿耿自清切

十六

宛州道中絕句

連岡疊嶽亘西東摩詰春山粉本同馬上剛逢小寒食鞭

絲人影夕陽中

新綠林皋雨後天馬蹄踏碎亂厓泉舊遊此地停車客共

說青山勝昔年

晤畢子筠孝廉於兗州因偕徐秋士同至曲阜途中有作

岱宗青不斷平楚鬱蒼茫春水藻芹綠出郊驪駘黃淳風  
民近古禮教澤流長仰止寸心慙瞻容謁廟堂

闕里同謁孝廉華珍徐孝廉元潤謁至聖廟

呈孔岩山巖公

遠閣輝珠斗雕甍拱絳霧大宗縣世爵振古仰斯文數典  
留彝箚於論奏鼓鼓四方習禮士洙泗聚斲斲

至聖手植檜

手澤遺梁木靈光際古今風雲長拱護泰嶽蔚沉陰大塊  
蟠根厚資生化雨深迢遙曳杖日松栢歲寒心

顏子陋巷井

改邑不改井寒泉激四空高蹤百世後樂意一瓢中負郭  
田廬舊逢源左右通蕭然環堵室遺味飲冲融

謁孔林恭紀

大東靈秀蒼崇巒鳧繹峇嶷翠鬱鬱萬古松湫飽風雨兩  
楹俎豆肅衣冠列侯第宅承先代望秩成儀配泰壇魯甸  
春光餘落照防風紫氣拱瀾漫

夜行至東阿舊縣山溪坡深處

停車不得路乞火失邨家壯士行何畏吾生本有涯石欹  
蹲怒虎徑曲赴修蛇雲漏一鈎月前兩煙樹遮

趙北口

山川代朔居形勝地接幽燕氣自雄  
聞道酒人多俠客至今易水有悲風  
碧天春艸連河畔明月鄉關入夢中  
一曲么絃調玉柱深宵留客醉顏紅

交河

津亭送客渡交河卷地黃沙湧白波  
暝色孤鴻關路迴風聲萬馬戍樓過  
荒畦艸沒行蹤少古堞燐飛戰骨多  
蒼莽山川感今昔倚天長劍發高歌

雄縣

披裘侵曉跨征鞍殘月疎星馬上看  
沙坂百盤驚隼擊關雲一線落鵬寒  
氣吞全趙輿圖濶險阨交河地勢寬  
百尺城樓窮遠目望中直北是長安

端午前一日同人集陶然亭聯句

寂居苦沉冥暑試脚力弱塵紅輒不飛巖翠秀若削

大麥

秋景未遭槐夏氣先灼芳樽湛蒲葵風襟灑蘭若

畢華亭

尖霞練拖石隙雲斤鑿颯然天際翔靈瑟宵宵作

陸元座

中盛孝章解衣吐磅礴仲文氣亮拔銅陽性寂寞

劉樞周郎

偕二陸先後入京洛九峯來彥和在陰鶴

徐元健者

今徐陵招羣會南郭敦盤踵曩賢

壁間有下述履鳥踐新

約陸昨宵宿雨收紅林散餘萼啄泥鳥亂啼聚網鱗出躍

錢寶江鄉有故人鴻爪各飄泊京華遘十年卽今慰離索

周曰鍛翮驚頰風何地無矰繳運或暫剝蹇儒豈甘隕穫

大白日混燕石曠野識趙鐸習俗道義孤千秋懷抱各

華珍

修名戒不立浮譽矧可攬跳丸疾晷輪一逝誠錯愕

元今

日且銜盃破此萬緒惡誰爲長鯨吸試以大斗酌

樞舊雨

來不來新知樂莫樂西山一片雲爲我掃炎熇

元潤陡若抱

虛警秋心已先托歲候昏旦變物理靜中度

模

茲亭名陶

然到此脫羈縛縱譚碎擊壺抽思興探鑰

賈

忽聽樵者歌

廬岼斜陽落回頭指白鷗續遊勿負諾

日

### 陶然亭分韻得陶字

野曠浮雲合亭荒落日高興來成獨往勝事屬吾曹  
旅食會彌月行吟此避囂風聲呵白壁山色落青袍  
節物鄉關異賓朋意氣豪酒壇雄拔戟詩侶捷揮毫  
擬學誅茆宋終慚運甓陶附書愁契濶理髻感蕭騷  
小旱遲飛澍深耕憫



作勞林無鳩婦喚澤有雁羣  
嗷北地谷炎熯南中激汎濤  
每嗟居不易稍喜暑堪逃  
榆葉翻沙渚楊花攬隰皋  
溪深鼓蕩荻徑曲亂蓬蒿  
懷抱登臨拓襟情澹泊遭  
浩歌歸路晚重與泛松膠

題江亭消夏圖次陸子鐵壘

文韻陶然亭係江氏所築

額曰江亭

出郭清遊興不孤柳條踈地倩  
雲芳五月潤將滴嵐影一簾  
澹欲無何處江皋采蘅杜不  
妨名氏混菰蒲秋林擬踐停  
車約重繪癡翁淺絳圖

午日集周小石上舍

日暨齋中訂事

野鶴閒雲物外身往來蹤跡各  
標親天中尊酒成良會日

下詩篇贈故人煙水一塵容小住風花五月似殘春十年  
慣作京華客老我驚看雪鬢新

旅夜東畢子筠

繁桃豔春塢老梧凋秋林艸木有榮悴四時成古今荒岑  
多積滯靜巖無噪禽有美我所思時惠空谷音不吹齊門  
等徒工郢中吟塵海浩無所何問升與沉郭隗不築臺馬  
骨埋黃金金寒鬱愁氣暑月顏重陰今夕復何夕與君酒  
同斟簾疎風襲襪簾薄雲生衾銀河耿天際澹無織埃侵  
留此一片月照君千秋心

董琴南編修

國華

次和旅夜韻見贈疊韻賦答

結交何所尚企茲大雅林前綏疇惠我觀止懽自今孤雲

聳一鶴餘響咽衆禽廣座靜不喧叩彈瑤瑟音聞君十年  
來癩癖作瘦吟理超旨乃暢心苦思彌沉蛟脣老寒玉龍  
窟躍古金沁脾斲冰骨滌暑延秋陰讀句惻旅懷深酌復  
淺斟短檠照殘夢客心厭寒衾虛牖自生月萬慮何由侵  
更誰憐予美阻君獨往心

夢登仙人樓嘉樹無雜林不知幾千載青青直到今下有  
九華芝上有五采禽襟披穆如風泉嗽冷然音引境入宵  
忽掉頭動高吟人生中年後去暑愁夕沉聞道苦不早享  
帚慚千金安得露華濯蒲柳迴衰陰頽質倏可變大哉元  
化崑潛璞或韜采隻影無愧衾感君辱贈翰戒我塵懷侵  
拍肩問洪厓落落蒼松心

苦熱篇東琴南瀾修子筠孝廉

萬木沸螭蟾寒蟲咽不語炎官鼓疾威厥勢不可禦一屋  
賃市間湫隘暫息處雜甍四方客日夕混爾汝止樊朝驅  
蠅穿屋夜憎鼠執熱戒炙手滴水不潤礎焦煙出枯林泥  
潦沒淺渚安得鮮可食誰云美可茹倘非素心人何以慰  
冀旅茫茫身世憂俯仰觸萬緒南士來北方使人識寒暑  
堂懸北風圖仙袂翩若舉瘦卧高捫星冲飛輕化羽招涼  
明月珠晶光一囊貯桐陰正延碧團露葉滑滑平生冰雪  
腸持此自矜許

宋謝文節公號鐘琴歌

有引

琴長三尺四寸五分額廣四寸腰狹三寸四分題曰號鐘

銘曰東山之桐西山之梓合而爲一垂千萬古署尾有疊  
山二字新安吳氏得之於京師市肆繪圖徵詩琴南編修  
邀余同子筠作歌

冬青無花月無色天水雲寒四山黑建陽卜肆古號鐘斷  
紋迸落霜苔封東山之桐西山梓地老天荒心不死十二  
金徽淚血枯一徽一淚紅糝糊唐石峯頭轉茶坂響咽窅  
泉泣秋晚南冠獨自操南音海角虞淵斗氣沉竹裂蘭摧  
烏啄肉有死義不餐周粟故人魂返零丁洋空山老猿愁  
斷腸絕調人琴後誰繼啼髮山人竹如意虛廊碧火照深  
更四壁悲風絃上生

同作

同里

畢華珍

往聞齊侯琴是名爲號鐘落斧引繼不異製古材慘  
澹三尺桐抱琴亦何爲麻衣艸屨慟哭中大都人士  
久莫識南宋孤臣謝枋得嗚呼邦國已殄瘁人之云  
亡何足惜江革却粟未戀身申胥絕食不返國有木  
不覩冬青林有琴不彈海上音君臣骨月厓山沉但  
聞官角變亂風雨聲悲唵魂兮往從定何所死得葬  
夷齊山前一坏土人耶琴耶此終古君不見唐石坂  
建陽市徒跣當年幾轉徙焉知王氏有臘祀亦不書  
承初以來新甲子嚴叟旣棄世世亦棄嚴叟賣卜終  
愁在人口借才異代誠何心君義臣忠兩無取况聞  
歐刀柴市風雷昏巫咸不下招銜冤高張鳳尾中斷

絕文信國琴閣金石徹調徒聲吞吾將譜作雙桐引

付與哀彈汪水雲

蘇齋集飲呈翁學士蕓溪先生

大雅久淪落蘇齋獨歸然賓朋選才俊詩酒屬神仙此會  
不可得風流七百年愛山傳六客勝事踵前賢

是日主賓  
六人分體

詩

讀史雜感

周京集多士馴雉翔皇風漢廷臣相如貢道邛笮通古來  
樽俎地王會旌勳庸文章行遠器兵革潛消融廊生三寸  
舌萬矛摧敵鋒華辨雖譎詭尙勝汗馬功豈無蘭臺令掌  
故嫺禮容宰相多讀書德望中朝隆外廷仰風采駿業垂

鹿鴻布被劇可惜勳階列三公

南軍利行水使船如使馬北軍利行陸屯戍集平野峭函  
古神臬建僂高屋下武皇席鴻圖開邊震函夏教戰昆明  
池旌旗五花墮精兵重訓練奚論多與寡水陸審地勢強  
弱測亦叵在德不在險邈焉緬古者三王以文治五霸以  
力假

漢祖過豐沛光武巡南陽雖賜父老租每恐農時妨陽春  
霈閭澤宴醕權八方青旗蔭郊甸千里騰龍驤詞臣富文  
藻獻賦誇長楊誰陳諫獵書好樂遊無荒耿耿忠愛心帝  
閔翹首望出門眎雲漢永夜星垂芒塞鴻路寥廓瑤水雲  
蒼茫



愛錢不愛身貪吏戕其生愛名不愛身廉吏全其名昏夜  
藥四知介石貞鏗至清水無魚讒構傷蠅營伏波適瘴  
海藁葬歸西城蕙苴爲文犀難與貝錦爭劉寵選一錢何  
損清廉聲身家瑣瑣計更比鷓毛輕千秋身後事青史長  
崢嶸

尋寄園遺址

古樹不藏屋白雲四面生閒官多著述老眼見承平野史  
今殘佚青山失主盟高樓一聲笛落月望參橫

對月偶成

梯引初枕月上弦浮雲咫尺判人天年來倦睡非關酒此  
後春情欲化煙漸遠星河勞悵望最高樓閣病癡娟洪厓

枉訂遊仙約，寂歷山陰不放船。

送遠

把酒東風一洗愁，夕陽送客醉登樓。  
亂山不見飛鳥迹，老鶴獨鳴高樹秋。  
古戍雲低寒不落，碧城路遠夢還留。  
親朋莫悵關河隔，慷慨平生足壯遊。

宋徽宗十二巫峯靈壁石歌

有引

石係吾鄉廣堪齋，中所藏竹癡老人手繪圖冊空嵌萬竅。  
蒼潤欲滴嘉慶丁丑子筠孝廉北遊都下，携冊徵詩，余同  
董琴南編修作爲長歌。

昔聞吾鄉竹癡翁，弄藏富欲伴王公。廣堪之齋萃珍秘，奇  
石天巧非人工。巫山十二靈壁峯，汴梁舊物傳徽宗。宣和

花石七百載歸留靈氣滄江東天青無雲秋碧空風雨忽  
合山迷濛前峯後峯千萬重千重萬重尺中陽開陰闔  
變幻無常容但見雌者霓雄者虹潛者蛟躍者龍煙霾滅  
沒盪昏曉上與造化爭神通瓊花島口吹朔風銅馳走入  
荆棘叢崑山玉碎老魑泣劫火大地灰飛紅江流茫茫石  
不轉試問呵護誰之功癡翁擅神鑿老眼明雙瞳夢登峨  
嵎之絕頂玉華四照開瓊璫醒來滴露潑黛墨紙上疑有  
春霞烘燕山塵沙十丈封虛牖忽墮青芙蓉冷然漱玉鏗  
瓏縱江天涼雨催孤篷客程計日行匆匆子筠時將南歸石交松  
栢貞三冬願君守此子孫寶時與几杖相追從仙人贈君  
九節節丹厓翠壁攀蒼穹青山讀書落日暮五嶽鬱翠捫

高胸

同作

吳縣 董國華

廣堪堂弄古研山印記傳自宣和間我不見山却見  
畫想像楚岫栽煙鬟蠹者爲峯卧者嶺六六連娟黛  
螺靚墨池一掬通湘波夢雨靈風寫秋影瓌瓏皴瘦  
交蘇紋會入太清侍道君汴舟千里運綱石咫尺乃  
有巫峰雲劫火銷沉悲良嶽盡斲奇礪製飛礮卿雲  
萬態化作灰硯北偏留舊蟻綠當時游藝重文房風  
流不數澄心堂一拳巧縮九疑秀壓倒海嶽庵中藏  
陵谷匆匆人代易石色蒼涼天水碧憑君莫補博古  
圖恐學蟾蜍清淚滴君不見硯田今歲枯不堪安得

墨雨生秋潭青山隱几致蕭爽我夢已落瀟江南

北湖觀蓮次徐秋士韻

傍隄高柳噪鳴蟬小閣幽棲愛地偏紅疊水紋三折細翠  
團雲脚半鉤拳前溪影澹初生月遠夢香多不散煙記按  
花深深一曲鴛鴦湖畔木蘭船

去歲遊鴛湖  
適荷花盛開

京邸有懷畢季瑜丈

高原煙樹鬱青蒼社燕秋鴻各一方癯病已成中散癖浩  
歌誰識次公狂金臺馬骨埋荒艸水國鷗羣冷夕陽聞道  
園廛逋稅畢免教簿吏復登堂

摩挲青鏡悵流年短髯驚心節候遷不信松芝堪佐餌却  
看雞犬已成仙銅陽卧月中宵醉杜曲唵秋萬口傳風雨

文  
諭文話疇昔待尋歸權續前緣

文題撰集有句云君住巷南我巷北莫教風雨阻論

杲日炎蒸水涸池

君王宵旰切憂谷禁城花月仍良夜舞榭酣歌異昔時三  
輔征輸傳絡繹二束杼柚費支持平原乞米長安客欲破  
愁兵仗酒卮

蕭瑟江關雁一聲鄉心愁絕庾蘭成頻年旱潦悲中澤故  
思音書隔去程斷隴晚煙行跡少荒城曉角旅魂驚吳雲  
夢繞燕山月願乞郵倚慰客情

子履北歸出示近藁卽次見懷原韻四首

同里

畢憲會

一別相看鬢髮蒼南箕北斗奈殊方  
久耽獨處貧非病忽見同心喜  
欲狂淥酒細斟遲皓月黃昏雖好戀  
斜陽老懷不作春明夢猿鶴休嘲舊艸堂

堂堂白日去華年不覺情隨萬事遷  
談笑塵埃外物慚余落拓酒中仙  
窮來肯恥因人熱癡絕終思附驥傳  
細數晨星幾人在誰相知我亦前緣

寥天不見躍龍池聞說朝廷六事咨  
室女嘯歌原爲飽野人作息卻憂時  
豈知聖德勤宵旰早格天心默護持  
獨有東倉雀鼠壯江河無計可填卮

詩入愁腸哀艷聲遺山標格自天成  
黃河水落棲鴻澤白露秋高數雁程  
國士久聞羣目異吳蒙再見倍

心驚年來削札嵇康懶怕達空函殷浩情

淮陰道中得座主何先生赴悲慟不能成詩及留  
京師每憶浙西兩載之遊泣然出涕率成六詠情

見乎詞

國士無忘一飯恩我來淮上愧王孫定文恐負陳思托作  
賦難招楚客魂千里春心傷目極兩行清淚暗聲吞燕雲  
策馬成何事不及憑棺哭寢門

繡衣日下耀華蕤驄轡江關絳節馳憂樂蒼生同俯仰東  
南元氣爲扶持著書未了名山業待士還餘廣廈思莫問  
羊曇舊游地呼猿古洞夕陽遲

江淮轉漕驛書回防海軍巡浙水隈五日竟催張尹去幾



時重借寇公來使君封樹仍遺澤丞相持衡亦愛才記取  
冰壺心一片歲寒東閣有官梅

七郡隄防石岍平觀濤末座待枚生旌旗海市秋瀾濶刁  
斗霜臯夜月清野浦漁梁愁放槩斷雲鈴閣失吹笙鹽官  
道上重回首落葉聲催杜宇聲

傳聞廣柳下黔陽西盡江流出豫章萬里征途行絕險一  
經世澤最諸郎翟門賓客今非昨彭澤田園舊已荒早卜  
庚泥安丙舍墓門松檟蔭鸞凰

文章難送玉川窮三尺誰收爨下桐未死名心塵夢裏半  
消豪氣酒杯中貂裘北地寒先覺雁帛南雲路未通梁木  
摧頽山色改五更鼓角聽悲風

山館唵雲圖馬贈同年顧南雅侍讀兼題截句  
偃笠松杉屋後坡  
恰逢佳客倚筇過  
一聲落葉夕陽暮  
詩思碧雲深處多

書同年陸祁生孝廉

繙略

詩稿後

君詩出至性叩彈超  
凡音不襲風雅貌  
自摠忠孝心銜恩  
結寸艸春暉愛兼金  
夜半慈烏呢庭柯  
翳層陰十年塵海  
客駕牡馳駸駸不  
藝稷與黍匪戀纓  
與簪修名慰顯揚  
皇穹鑒微忱惜抱楚  
人璞終闕天府琛  
春風萬花谷不到修  
竹林飛樓立縹緲  
浮雲蔽元霧哉茲晨  
風翼願爲反哺禽  
繞籬杞菊花秋釀開  
芳斟試讀感士篇  
憫此遊子吟江干  
駐車馬有客煩招尋  
浩然起高歌韻答江  
上琴江冰不可

極君心共此深一

自題松廬仙隱圖卷贈同年陳石士侍御 用光

虛簷入雲氣隔牖落松影是名禎仙廬清涼絕人境泉聲  
萬壑喧山意太古靜干春藥艸香一壺日月永亮哉羲皇  
人端坐風儀整素心兩忘言元想特高迴橋旁倚筇叟足  
音惠然肯餌芝得奇方疑義乞造請亭臯有脫葉秋懷遍  
虛冷堅我學道心眠茲圖中景

喜汪厚夫侍御至京

別君過半載離慄積雲水夢想見容光會合懽觀止相看  
太瘦生去晷疾馳駛君髭微染霜我近脫一齒君年屆半  
百學道協坦履宦途歷巉巖素位平若砥我年比君少早

衰乃若此握手嗟欲歔但視明鏡裏萬緒繞衷曲欲語從  
何起憫我索居苦招我入寓邸棐几度我研深杯酌我醴  
詢我南中書家計麤料理兒子稍知讀君心憫且喜君嗣  
委課經植學務根柢文藝互商榷縱譚涉子史僮僕盡顏  
熟鄉語話桑梓長安米價貴歲儉更倍蕞孤雲得所依青  
山破愁壘涼風高樹林簌簌撼臆紙短歌載賡答幽興殊  
未已

丁丑七月至都門喜與子履相晤贈之以詩

汪彥博

我不贈君江干拔心艸贈君谷底同心蘭心同天地  
皆衾裯心異楚越膽與肝風吹楊柳玉樓畔露濕梧

桐金井闌美人折花感遲暮當牕瑤瑟愁不彈鳳飢  
孤吟自矜許秋期遙待青琅玕五湖鷗鳥各分散相  
逢與子多清歡黃金如土買馬骨豈有國士埋儒冠  
盧龍塞下動懷古詩骨雄秀逾噴旣莫嫌廣文一官  
冷日照先生苜蓿盤君歌將進酒我歌行路難百年  
行樂強自寬長庚明月秋耿耿南山白石夜漫漫

顧南雅侍讀畫蘭歌

湘江帝子彈瑤瑟恍惚神遊衆香國畫手東吳擅顧雅妙  
寫蘭心與蘭質仙姿亭亭俗豔空有意無意天然工真珠  
簾卷玉鉤墮干花一笑羞羣紅嫩芽細撥銀鈎小麝墨螺  
煙自縈繞映帶爭看取勢妍縱橫會得忘言巧翻思昨夜

醉停樽露臺獨立吟黃昏  
翻其僊袂御風去花氣爲我留  
清魂畫蘭人本蘭臺史品格幽蘭足相擬  
滇池艸色綠靡  
蕙遠駕星輅采芳芷秋江夢君水一方碧城杳  
雲蒼茫  
嫣然花容隔香霧愛而不見心旁皇  
燕臺高吟夕陽暮聞  
情別有滄洲趣君還翰墨興飛騰我已容華迥  
非故惠我  
清風拂素牋蘅皋幽思倩君傳好與美人舉  
作佩墨華如  
醉潑湘煙

北遊篇寄示徵璵

正月渡江淮二月歷齊魯三月抵幽燕  
倉猝賃市廡髮亂  
飄蓬麻面垢漬泥土鞮線不及紉衣帶不及縷  
投牒恐稽  
遲疾趨達禮部入場數晝夜天氣漸和煦  
裕衣畧裝綿薄

寒已可禦研思搆文藝羞作雷同語落落頗自喜覽者競  
推許擯斥孫山外失意徒悵懣我命天所賦顯晦造化主  
雖遇明有司何術能玉汝謁選得廣文兩載計可補留滯  
非善策還歸乏資斧旣占艮其腓復筮成其股芳春嘆遲  
暮炎序過重午嬾爲襪襪子憚此河朔暑夜夢屢見汝似  
與汝同處又憐汝在家勉強持門戶汝前來啟詞若曰復  
若茹夢醒尙呼汝攬枕亂衷緒隔別三千里附書道修阻  
六月廿九日汝書我始覩上言耶出門嗽痰病未愈風霜  
慎眠餐悶愁且寬紓中言家庭事無論細與鉅耶言兒勿  
忘不少越繩矩下言兒文章力求矯庸腐自恨識未充味  
薄少含咀發函閱汝書三更剪蠟炬是夜秋聲來吹落西

山雨壁間號著蟲牀頭竄飢鼠沉吟至再四誰與傾肺腑

隣鷄啼啞啞倦卧不起舞晨興晤賓朋譚舊迭揮麈周郎

及劉子周上舍日堅劉明經應鈞相依若驢馭徐公城北至徐孝廉元

城畢生亦踵武華珍畢孝廉雖無濁醪斟賴有新篇賭健者有

董公獨自樹旗鼓董編修國華士衡冰雪文清俊邁徐庾陸孝廉繼

輅五六月之交藉此懣逆旅侍御越若來汪侍御孟秋月

初五慰藉殊諄拳高誼邈焉古是月始生魄移寓有定所

侍御延課讀授經析訓詰三子出謁師勵志圖進取應對

習鄉音入耳甚清楚飲膳飲鄉味絕勝市上脯願汝勿念

我我亦無所苦但苦去日多垂白無建樹生當

聖人朝不合老農圃我



皇仁覆物不冒遍六寓尙厯宵旰憂侑食樂不舉谷菴曠  
其乾中田稿禾黍莠慝或逃網私憤切臣甫平生仕進志  
豈爲慕華廡寰海長恬熙衡門樂終窶此願竟蹉跎壯心  
半消沮酒酣歌莫哀抑塞藉傾吐汝年甫弱冠植學力須  
努少弛防瓠落太銳亦莽鹵魯縞不可穿枉自挽強努驟  
雨溝澮盈汜濫原不聚鳳皇翔蒼穹好自養毛羽汝能慰  
我懷一笑酌清醑金臺涼信早落月聞清杵作詩附南鴻  
遠寄江之滸望汝有報章吳雲渺延佇

西山秋望

山意削虛碧秋光涵太清天低平野樹青入夕陽城古寺  
鐘聲晚荒臺客思生浮雲關路迴臨眺不勝情

燕臺醉月歌壽厚夫侍御五十初度

長安城頭月滿山晶光飛繞白玉環華筵高燈燦羅綺清  
樽浮綠開心顏琉璃屏風水晶箔鳳管龍笙相間作酒樓  
若造天津橋玉螭噴水潺湲落仙吏驂鸞朝上清鷓鴣杯  
泛蒲萄春珊瑚紅鉤銀絡索詩夢夜落蒼梧雲洞庭歸帆  
夕陽樹又見春風花滿路繡衣馳馬綠楊隄神仙別有滄  
洲趣燕臺八月秋風香彩雲五色天孫裳紅箏檀板調鸚  
鵡玉女青童引鳳凰碧椹瑤英產東海問君靈藥何年採  
丹房玉液鍊三華結作銅槃珠百琲神姿海鶴九霄翔上  
嘯天風入混茫卿雲靄照濡甘澤能使萬類熙青陽方丈  
蓬壺望縹緲知君氣與青天杳秦松漢栢古時春綽約嬌

姿艷芳艸何當冲舉脫塵鞅紺髮蒼髯長不老有約從君  
五嶽遊未識婚嫁何時了

中秋無月以詩催之詩未成而月已皦然出矣殊

爲快然

風號羣木搖涼空

大士

怪底有風却無月一年秋氣正平分

汪彦博

寂寞燕臺兩吟客冰輪四抱雲朦朧

大士

舉杯大嚼嫦

娥宮無乃老暮太欺我

博彦

潛彩不照琉璃鍾青山若逢李

太白

大士

不從白玉盤中浴定向瑤臺鏡底磨青銅月兮月

兮汝雖不解飲

博彦

汝豈不能助我秀句羽觴底洗我堆阜

之心胸醉擲霜毫喚月起

大士

欲吐未吐婉而美初如金粟

如來現半身

博彦

漸如洛濱神女涵秋水却爲來遲影轉嬌

大須知愛劇心難死詩人呼吸信有權博碧天飛出晶丸

圓雲鬢玉洞豁然闢大紛紛白鳳霓裳仙千年桂實何有

蠹博太清不滓光華全明星如珠手可摘大收拾君囊當

酒錢五十年前當此夜博余以八月十六日子時受生三更斗氣凌奎

躔大

### 落葉

蕭瑟亭皋際秋心入遠天征人勞轉成名士老叅禪紅澹  
遠村日青浮墟里煙嬾呼僮掃徑寒月照愁眠

### 客夜雜吟

蝨簡摩挲夜達晨苦蟲細語聽酸辛心香一瓣千秋業飯

穎山頭戴笠人

蕭瑟江關庾信哀  
悶愁難藉濁醪開  
秋燈孤館風聲裏  
餓鼠空牆去復來

鵲鴉天高夜氣清  
燕山獵火戍樓明  
朔風吹入三更柝  
不是江南落葉聲

古寺龍窠入望迷  
黃榆歷亂白楊低  
寥天何處飛孤鶴  
更在西山落照西

荒臺弔古淚霑襟  
對酒歌成激楚音  
駿骨自深知已感  
銜恩不獨在黃金

喧闐輪轂九衢通  
刮目塵飛十丈紅  
北地秋高天不雨  
重陽惟有滿城風

一聲吹笛出鄰牆  
夜燼釭花客斷腸  
怪底月光斜更皦  
不

知鴛瓦已飛霜

宣武城南賦索居罷彈長鈇嘆無車閉門莫笑稽生懶要  
藉閱身好著書

同徐桓生上舍

述虔

劉蔭林明經

應鈞

徐秋士陸

子鉞兩孝廉集飲西城酒舍時桓生將之任邱

南雁天涯遠旅情秋思兩依依浮沉未醒一生夢去  
住無端萬事非馬坂青袍樵客路夕陽紅入酒人衣明朝  
又聽驢駒出望斷孤雲隔翠微

懷沈狎漚孝廉

欽裴

奇氣酒邊來天空眼界開九章經世學兩漢濟時才京國  
招賢俊斯人卧草萊珊瑚釣竿樹落月照蘇臺

宣南話舊圖歌爲陸祁生同年作 有序

丁丑三月余與祁生同客京師宣武城南居停相距數十  
步晨夕以詩文相質在座者董編修國華沈孝廉欽裴畢

孝廉華珍

往來過從情話懽洽旣而董君奉諱南行畢往

保定沈歸吳門落葉寒花酒闌人散而祁生亦別我去矣  
瀕行屬作宣南話舊圖卷卷長三尺有奇濶一尺五寸圖  
仿吾州染香庵主設色法圖中西山遠翠松栢蕭爽女牆  
層堞在隱現間城邊老屋數楹葛巾栗杖落落四五人不  
辨誰某皆曠放瀟灑若有出世之想祁生命裝池用古錦  
緩面素紙接尾載歸行囊廣徵題詠以誌鴻爪余自諸君  
別後詩情畫意不知其何以闌珊而至於衰廢也碧雲在

望舊雨不來燈下懷人尊前溯別後之覽者可以感焉  
祁生與我宣南遇乞我爲作宣南圖秋聲難以畫圖肖萬  
樹一片雲模糊我將畫君故園溪山好亭榭梨桃榆柳涵  
平蕪對此可以供清娛不然置君樓臺金碧千門裏玉勒  
金鞍少年子玳瑁雕琴七綵裝美女名都粲玉齒更思縱  
筆寫陰山勅勒高歌破敵還仰接飛猱搏蒼兕戰馬飲血  
猩紅斑萬象雲煙變虛幻過眼丹青失轉盼故人無恙舊  
時顏來往宣南十年慣宣南春花紅繡茵停車走踏京華  
塵宣南夏木叢煙嶺逃暑同爲河朔飲擊筑舞劍狂且豪  
欲以奇氣吞荆高倒鈎金蟾出杯底夜半銀河淨如洗浮  
雲胡然翳太空天外忽墮枯桑風青山蕭寥酒人散君亦



竟作南飛鴻雪泥蹤跡類如此留取丹青續畫史不烘水  
墨繪江村不寫春城艷桃李棄繻灰盡壯時心老去英雄  
肉生髀邱壑惟傳真性情松栢貞筠贈知己長短亭邊落  
照微宣南我亦海羈遲知君一權煙波濶定有游仙招隱  
詩

和厚夫侍御九日長椿寺僧送菊

風物九秋新秋花不笑貧冷香曾供佛傲骨亦親人古寺  
尋詩客蕭齋落葉辰餐英娛此夕同葆歲寒身

厚夫侍御復以詠菊三首見示卽次其韻答柬

送花僧不俗伴月得幽姿艷絕霜前色青生雨後枝寒英  
全晚節春卉悵芳時詩老多佳興千秋香艸思

處士柴桑里西風杖策尋清談開口冷趣入秋心簾卷  
人同瘦宵闌酒更斟悠然好山色不辨白雲深  
節候傷遲暮茲花晚更榮秋懷披灑落野性抱幽貞刻燭  
青搖穗聯詩綠剪橙馨香滿襟袖足慰旅人情

書遺山詩集後

君不見甫也諸侯老賓客驚人詩句乾坤闢同時海內主  
騷壇惟有江東狂李白浣花舊宅蘼寒蕪四百餘載青山  
孤中州野史亭歸峙高壘上欲摩成都慘澹龍蛇日爭鬪  
禾黍西風哭東狩少陵老淚哀王孫共此呼天切補救大  
定明昌第宅荒開元天寶江山舊傷心千古兩詩人苦吟  
各爲滄桑瘦閒閒公似嚴使君溪南老如鄭廣文文章知

已互傾倒交遊意氣干青雲草堂後有遺山集性情不借  
才華龔坡翁放翁兩大家鼎足三分竦而立涼雨蕭蕭落  
葉哀秋燈如豆一編開蒼雄骨格幽并氣變作風聲萬馬  
來

九月廿五日曉起對雪

策策風搖籜蕭齋睡起餘冷光苔畔滑花氣菊邊疎細溜  
侵簷濕流雲落幌虛殘秋寒意早已似仲冬初

連日對雪有作

孟冬纔二旬瑞雪已三白昨宵灑紛糅墀廡厚半尺騰僿  
窮巷叱占稔來歲麥今夏旱魃驕秋苗槁不碩

九重

厘民瘼輸租免常額賑賚開神倉編戶霑閩澤陽氣大地

廻

帝心上蒼格祥和捷感召調劑藉羣策所賴封疆吏膏雨  
勞郁伯一民或失所試問誰之責重雲蔽陰厓朔氣滿荒  
積載賡黃竹謠愁殺梁園客

雪後卽事次厚夫侍御韻

萬花銀海盪空明畫本營邱妙寫生月榭試翻瓊樹曲風  
簾微動玉鉤聲鴻淹泥爪行蹤沒鵬射寒眸醉膽驚羨殺  
深山高卧者閒身留伴白雲畊

黃香鐵明經

釗

過訪寓齋論詩卽題其讀白華堂

詩集

海內詩壇久寥落大雅何人擅著作江山風月自千春對

酒吟懷嘆誰托嶺南復見陳屈梁黃君才望高詞場滄江  
倦客混人海論詩邂逅宜南坊我居巷南君巷北蹤跡天  
涯笑偈仄憐我苦吟少吟侶開徑懽然見顏色我識君顏  
乍摻袂我讀君詩頓忘食讀君金臺弔古篇爲我胸中吐  
抑塞讀君俠客健兒行我欲從君走絕域男兒三十不得  
意筆硯何能苦相逼但須痛飲作狂生不碍科名久沉抑  
長安裘馬集貴游挾策可以干王侯兔園書生飽殘裘風  
雲指顧登瀛洲咄咄怪事戒吟咏高天厚地呼詩囚名山  
自享古人壽君毋惑此浮議浮君不見杜陵老大意轉拙  
白首浩歌彌激烈又不見建安綺麗不足珍太白平生志  
刪述我慚繫日少長繩君幸搏風有僊翮雲龍萬里各相

逐嶺表江南兩詞客

李瀛門比部

鍾瀚

子喬學正

鍾潢

棣萼圖歌

雲間二陸今二李翰藻翩翩作佳士東風紅笑燕山春壓  
倒千花燦連理文牕繡幕嬌羅綺綉染雲山畫圖裏對語  
交花樂意濃莫笑閒官冷于水秋原禿樹經霜飽君家棣  
萼花常好江東獨秀那許誇文章兄弟聯聲華泖湖八月  
煙波濶歸櫂歌聲白雲過月夜新吟憶弟詩叢菊茱萸渺  
天末聞道春帆江口迎玉鞭重指長安城瀛臺雙棲鳳凰  
翼笙簫鼓吹皆春聲東鄰有奇樹屈曲虬龍形西鄰有異  
枿密葉交青莖願作君家之棣華不作田家之紫荊棣華  
兩枝如一枝紫荊時悴而時榮尺布之謠不忍聽豆萸本

是同根生

黃香鐵釧以林辛山孝廉家桂所著見星廬詩集

見示卽題一律柬辛山

昨逢山谷來相訪示我逋仙數卷詩南海才應空北地秋  
江花不鬪春姿幽并風雪三更夢粵嶺雲煙萬里思歲暮  
天涯文字伴酒邊一爲展愁眉

汪侍御齋中分賦羊裘

深宵挾纊未成溫黯澹青袍稔尙存秦相功名新入夢巖  
陵煙水舊留痕寒禁北地三冬雪煖曝東方一綫曦博士  
漫憐消瘦甚且堪貰酒醉黃昏

次韻答黃香鐵冬夜獨坐見懷之作

天清開月鏡地白起霜稜以子驚人句照余寒夜燈倚床  
瓊擁鐵呵硯墨融冰文字因緣結居然有髮僧

原作

鎮平黃釗

街靜月無語檐虛風有稜思君如古佛枯坐對寒燈  
老眼飽叢帙冬心涵瘦冰蕭條賓館意我亦澹於僧

寒夜盼家書不至李十一樞部涵剪燈溫酒爲余

遣悶余以足疾未赴明日以詩見貽疊韻柬謝

李侯衡宇近嬾病晤言遲霽雪澄寒色清風誦好詩道心  
開衆妙春氣得先時酬句慙枯管宵闌耐苦思

旅食京華久家書驛路遲浮沉半生夢甘苦廿年詩渚月  
圓輝夜山花破臘時感君燈下酒慰我客中思



顏孝廉

以煥

次香鐵韻見懷疊韻奉答

君詩清濯魄珠斗峭捫稜相近招提境長明繡佛燈

君與余同

寓長椿寺側

鄰喧牆外柝僮削樹根冰破寂陪茶話何殊竹院

僧

臘月二十四日周小石

日堅

招同徐秋士

元澗陸

範庵

模

集宣南寓齋食鹿脯分得五古限一屋韻

榆關日落風吼木亂卷黃沙打白屋醯鷄窮士嚙糠覈裘  
馬高門厭梁肉問客無能容無好彈鋏風塵走僕僕長安  
旅食大不易晏序流光去如鏃周郎飲我宣南坊不速三  
人徐與陸蕉邊雪月天清寒詩夢三更漏聲續薄耆炙鼎  
滲晶鹽美雁行厨斫肥鹿綺葱丹椒和五味蜜勺瑤漿散

千馥盧龍舊傳熱洛河紅瀉臙肌灑淋漉魏使若逢劉孝  
儀鄴中食譜重披讀吻羣萃野斂賔笙燒尾筵開爲君祝  
嗤我老饕恣飽嚼大嚼屠門饜不足君言此味補筋骨枯  
瘦憐余髣毛禿酸茹寒蓋撐兩肝渴吸枵匏吸半菽腐儒  
癯糲百年憂去壯來衰兩眉蹙歲云暮矣遣牢愁狂笑登  
筵果其腹咬春獻歲開辛盤祠竈千家禱神福紅爐蒸氣  
沃膏膠翠釜浮花盃陽煥鄉味雖思鱸膾佳絕勝家鷄與  
野鶩請執牛耳登詩壇旗鼓中原走相逐

以野鴨生魚饋小石作歌代東兼示秋士範庵

槎枒古樹茁冰葉大地回春氣轉幹椒花蓬餌入良辰彩  
勝桃符耀華闈燈搖九子蘭膏薰盤造五辛桂醬辣蓴鱸

鄉夢悵關梁倦鳥南枝戀吳越炰羔脯鼈臠露鷄粿黍烹  
鮮慰天末鵬鷄或共鵠羹調膾鯉孰誇蟬翼割匹雛瘦若  
野田雀魚曰作之凍凝沫餉君特爲索君詩險韻諸君醉  
中唱浮生我類沙際鳥鰲翻何時塵罟脫魚留三星絕可  
憐濺濺春流莫瘳渴籊籊之鷄尺澤鯢長此沉淪抱惋怛  
節物關心又歲除片翼殘鱗共搜掇三冬旨蓄君自裕聊  
佐壺殮渺圭撮長伴清齋菰糲供莫教真味酸鹹奪杯醪  
力薄難盡醉刻燭詩遲易見跋自慚續脛不成臆或笑祭  
魚頗類獺

題厚夫侍御養泉齋詩集

玉樓仙人李長吉詩壇再世英光出昔駉虬轡迓緋衣今

上烏臺簪白筆

侍御會夢爲昌谷後身因作玉樓歌

江東甲第席華門早歲

文章受

主恩紫塞秋原盤隼鶴碧天春海麗鯨鯤五花

鳳誥宣綸綉百粵星軺建旄節玉署縹囊錦繡披炎州香  
艸芝蘭擷筆驅風雨鬼神驚四十年來寫性情自許名山  
留著作不求時譽達公卿海內寥寥幾詞客惟君足奪前  
賢席懷古江山眼獨青側身天地頭先白鄉關桑梓話情  
親水渚菰蒲訂夙因燕市狂歌千日酒艸堂舊雨十年人  
君詩小謝同清發靈氣天閭御飄忽上窺漢魏接離騷沿  
討源流樹風骨諫垣清切動高吟密勿平生補衮心一寸  
丹忱無偽託千秋正始有遺音真靈位業儲才厚忠孝立

言垂不朽勒成雅頌協球鏞龍也納言皋拜手會昌一品  
續新編我幸青雲附翼傳寄語滄江好風月相逢車笠溯  
前緣

除夕立春

去歲殘冬茗上水今年除夕剗門山忽驚白日閒身擲又  
報青陽令序頒半盞洗愁蘇病骨一燈和夢老濯顏賓朋  
縱極他鄉樂親舊終憐會面慳

除夕聯句

天涯又除夕泥飲醉厭厭句捷爭义手陸元文談雄奮戟髯

宜春金綴壁大合凍玉垂檐社鼓歲其有徐元街鈴夜不

嚴獸醯心篆裊文麝墨爪痕黏麩撥焦琴尾大霜飛退筆

尖同掛祭詩盞

元潤

細檢讀書籤旅食虛垂橐

元文

家郵密護

鈴駿臺名士價

元大潤

靈瓊蹇修占索米愁方朔

元潤

炊藿愧仲

淹僧寮姜被樂

元文

時余

摩舍弟同寓

塵海杜冠嫌故里荒干絹

元大潤

清卿話一練艱難

元潤

覓如願

元潤

刻劃累無鹽黍律寒回谷

元文

梅風煖入帘觴椒朋共集

元大潤

梓菜食無兼縛艸窮應送

元潤

傳柑俗可矜新年報鶯燕

元文

憑景逝烏蟾蕊影搖釵朶

元大潤

冰斯炙研匳瑤華頻贈答

元潤

萍梗易安恬禪榻生歡喜天

花一笑拈

元文

蘊憭閣詩集卷第九